

SİSTEMA DİYARKIRINA ZAYENDA NAVDÊRAN DI KURDÎYA KURMANCÎ DE*

Mehmet YONAT¹

PUXTE

Zayend di gelek qadêñ jiyanâ însanan de hêmaneke diyarker e. Ziman jî ji wan qadan e ku zayend xwe di nav de nişan dide. Xebatêñ zayenda di zimanan de li ser du mijaran kûr dibin; sîstemêñ rîkkeftina zayenda navdêran û sîstemêñ diyarkirina zayenda navdêran. Di vê xebatê de sîstema diyarkirina zayenda navdêran di Kurdiya Kurmancî de bi awayekê sistematik hatîye analîzkirin. Xebatêñ li ser sîstema diyarkirina zayenda navdêran di Kurdiya Kurmancî de gelek kêm in û yên heyî jî yan tatmînkar nînin an jî tenê li ser diyarkirina zayenda navdêren jîndaran sekinîne. Kêmasiya xebateke sistematîk ya di vê qadê de bû sebebê vê gotarê. Di xebatêñ li ser zayendê de, nêrinê Corbett (1991) bingeh in ku di vê gotarê de jî ew nêrin hatine şopandin. Di wê xebatê de hin pîvan hatine diyarkirin bo diyarkirina zayenda navdêran û di vê xebatê de jî ew pîvan ji bo Kurdiya Kurmancî hatine tetbiqkirin. Di encamê de, sîstemeke rîk û pêk ya sîstema diyarkirina zayenda navdêran hatîye bidestxistin ku bi wê ve zayenda hemû navdêren Kurmancî li ser mantîqekê dikare were danîn. Dîsa, di devokeke Kurmancî ya Qefqasyayê de navdêren bi awayekî pirjimar kêşandî maruzê senifandineke cuda dibin ku li ser însanbûn û neînsanbûnê ava bûye. Ev senifandin jî di vê gotarê de hatîye analîzkirin.

Peyvîn Sereke: Kurmancî, Sîstema Diyarkirina Zayenda Navdêran, Navdêren Nêr, Navdêren Mê, Navdêren Cotzayend, Navdêren Jîndaran, Navdêren Nejîndaran.

* Bu çalışma yazarın Türkçe yazılıн "Kurmancı Kürtçesi Ağızları Hakkında Sosyolingüistik bir İnceleme" adlı doktora tezinden alınıp genişletilerek Kürtçe yazılmıştır.

¹ Dr., Mardin Artuklu Üniversitesi Kürt Dili ve Edebiyatı Anabilim Dalı

E-mail: mehmetyonat49mail.com

ORCID: 0000-0001-8576-7486

Article Type/Makale Türü: Research Article / Araştırma Makalesi

Received / Makale Geliş Tarihi: 05.05.2020 - Accepted / Makale Kabul Tarihi: 29.08.2020

Kurmancî Kürtçesi’nde Cinsiyet Belirleme Sistemi

ÖZ

Cinsiyet insan hayatının birçok alanında belirleyici bir unsur olarak karşımıza çıkmaktadır. Dil de bahsedilen bu alanlardan birisidir. Dilde cinsiyet çalışmaları, cinsiyet uyum sistemleri ve cinsiyet belirleme sistemleri şeklinde iki alan üzerine yoğunlaşmaktadır. Bu çalışmada Kurmancı Kürtçesi’nin cinsiyet belirleme sistemi sistematik bir şekilde incelenmiştir. Kurmancı Kürtçesi’nde cinsiyet belirleme sistemi üzerine çalışmaların sayısı çok azdır. Var olan çalışmalar da ya tatmin edici boyutlarda değildir ya da yalnızca canlı isimlerin cinsiyetinin belirlenme sistemi üzerine yoğunlaşmıştır. Bu alandaki sistematik bir çalışmanın eksikliği bu makalenin oluşmasına sebep olmuştur. Corbett’in (1991) bu alandaki çalışmalarla temel alınan bakanış açısı dildeki cinsiyet üzerine yapılan bu çalışmada da temel ölçüt olarak alınmıştır. İsimlerin cinsiyetinin belirlenme sistemine dair bahsi geçen çalışmada bazı kriterler belirlenmiş ve bu kriterler Kurmancı Kürtçesi’ne uygulanmıştır. Çalışmanın sonunda Kurmancı Kürtçesi’nin tüm isimlerinin cinsiyetlerini bir mantığa oturtan derli toplu bir cinsiyet belirleme sistemi elde edilmiştir. İsimler çoğul çelimlendiğinde insan olma – insan olmama kriteri üzerine dayanan bir isim sınıflandırma sistemi Kurmancı Kürtçesinin Kafkas bölgesinde konuşulan bir alttähçesinde keşfedilmiştir. Bu sınıflandırma dainizdeki makalede analiz edilmiştir.

Anahtar Kelimeler: Kurmancı, İsimlerin Cinsiyet Belirleme Sistemi, Eril İsimler, Disil İsimler, Çift-Cinsiyetli İsimler, Canlı Varlık İsimleri, Cansız Varlık İsimleri.

Gender Assignment System In Northern Kurdish

ABSTRACT

Gender is a characteristic element in a range of areas of human life. Language is one of these areas in which gender appears. Gender studies specify on two topics; gender agreement systems, and gender assignment systems. In this article, gender assignment system in Northern Kurdish has been analysed systematically. Studies on gender assignment system in Northern Kurdish are limited and they are either far from satisfaction of the topic or they just focus on animate nouns assignment system. Deficiency of a systematical study on the topic leads to this study. The approach of Corbett’s (1991) key source of gender studies has been followed in this article. In the Corbett’s (1991) study, some criteria have been identified to assign nouns gender. In this study, these criteria have been applied to Northern Kurdish. What is acquired in the end of this article is a clear-cut gender assignment system which could rationalize all nouns of Northern Kurdish in terms of gender assignment. Last but not least, in a Caucasian sub-dialect of Northeastern Kurdish, it has been realized a different kind of noun’s classification which is based on human-nonhuman criteria when a noun is inflected plurally. In this study, the mentioned classification has been analysed too.

Keywords: Northern Kurdish, Gender Assignment System, Male Nouns, Female Nouns, Double-Gender Nouns, Animate Nouns, Inanimate Nouns.

Destpêk

Têgeha zayendê di hemû civatêن dinyayê de wek têgeheke girîng dertê pêsiya me. Lewra di hemû zimanêن dinya de, peyamên bi zayendê re eleqedar bi rîyêن cuda ve têne dayîn. Lê herçiqas bikaranîna zayendê di hin zimanêن dinyayê de gelek berfireh be jî di hin zimanêن din de gelek teng e. Hin ziman peyamên bi zayendê ve eleqedar, tenê di qada leksikî de didin. Lê hin zimanêن din yên dunyayê jî ev peyam hem di qada leksikî de hem jî di qada rezimanî de didin. Ev ziman navdêran li gor zayendêن wan disenifinîn. Cureyên bêjeyan wek rengdêr, lêker, cînavk û hwd. dibe ku li gor zayenda navdêre bi navdêre re bikevin nav rîkkeftinê (agreement) (Haig, 2000: 2). Hebûna zayendê di zimanekî de ji bo axêveren wî zimanî hêsanîyan çê dike. Mesela, zayend wê imkanê dide ziman ku navdêren wek hev tên nivîsin lê me'na wan cuda ne, ji hev cuda bibin (Akin, 2005: 2). Mesela di Kurmancî de peyva "mal"ê eger di mena "cihê ku lê tê jîyîn" were bikaranîn wek mî tê nîşankirin (mala min), lê eger di mena "tişten ku kesek xwedî ye" de were bikaranîn wê demê jî -nîr tê işaretkirin (malê dunyayê).

Xebatêن li ser zayenda rezimanî hafîne kirin, li bin du serenavan têne senifandin; (1) xebatên ku li ser rîkkeftina zayendî ya navdêran bi besen axaftinê re disekine (2) xebatên li ser sîstema dîyarkirina zayenda navdêran disekinin. Di vê xebatê de em ê li ser sîstema dîyarkirina zayenda navdêran ya di Kurmancî de bisekinin.

223

Di zimanekî xwedîzayend de bikaranîna zayendê pêvajoyeke otomatîk e. Lewra, wextê axêverekî zimanê zikmakî, zimanê xwe yê xwedîzayend diaxive, ji bo zayenda navdêran bîne bîra xwe tu hewlan nîşan nadî. Yanê zayenda navdêran bi awayekî otomatîk tê bîra wî axêverî. Disa di xebatên li ser zayenda navdêran hatine kirin de pirseke din ev e ka gelo di dîyarkirina zayenda navdêran de tu zagon hene an na? Xebatên li ser zayendê yên ewil wek Bloomfield (1993: 280) îddîa kirine ku tu zagonêن zayenda navdêran dîyar bike tunene. Lê xebatên pey wê bersivîn erênitir dane vê pirsê. Li gor van xebatên nûtir_hin delîl hene ku nîşan didin zayenda navdêran li gor hin zagonan dîyar dibe. Delîl ev in; (1) Axêveren zimanekî yên zikmakî wextê zimanê xwe diaxivin tu xeletîyê di bikaranîna zayendê de nakin, (2) wextê ji zimanekî bîyanî bêje têne querzkirin, ev querzkirin li gor hin zagonan pêk tê, (3) wextê bêjeyeke nû di zimanê xwedîzayenda rezimanî de tê afirandin, hemû axêveren vî zimanî vê bêjeya nû bi heman kategoriya zayendê ve disenifinîn. Nexwe dikare were gotin ku axêveren zikmakî yên zimanekî xwedî zayend senifandina navdêran li gor hin krîteran dikan. Ji bo vê sîstêmê jî "sîstema dîyarkirina zayendê" tê gotin (Corbett, 1991: 7).

Ji bo fêmkirina sîstema dîyarkirina zayendê di zimanekî de, divê nêrîn û fêmkirina jîyanê ya wê civatê were zanîn. Mesela, berîya ku xebatên bi hurgilî li

ser zimanê Anindilyakwa hatine kirin, dihate gotin ku sîstema dîyarkirina zayendê di vî zimanî de tesaduffî ye. Lê pey xebatên Worsley (1953-54) û Leeding (1989: 221-87) hate fêmkirin ku sîstema dîyarkirina navdêran di wî zimanî de li gor nêrîna jîyanê ya wê civatê şikil girtîye (Corbett, 1991: 29).

Zimanên xwedî zayenda rêzimanî dikare navdêran têxe nav herî kêm du û herî zede bîst senifan. Yanê hin ziman navdêran dixine nava du sinifan, mesela di Kurmancî de nêr û mî, û hinekêñ din jî navdêran dikarin ji dudu heta bi bîst awayî bisenifîn. Di gelek zimanên dunyayê de bi taybetî zimanên Hind-Ewrûpî de, navdêr li gor zayenda xwe ya bîyolojîk têne senifandin, loma ji bo senifandina navdêran bêjeya “zayend” (gender) hatîye bikaranîn. Lîbelê, senifandina navdêran tenê li gor zayenda navdêran ya bîyolojîk nayê kirin. Ji bilî krîtera zayenda bîyolojîk hin krîterên din jî hene ku hin zimanên dunyayê qismeke kêm ya van krîteran bi kar tînin û hinêñ din qismeke zêde ya van krîteran bikar tînin. De La Grasserie (1898: 614-15) di xebata xwe ya berfireh de, krîterên senifandina navdêran li bin heft serenavan dabes kirîye;

Jîndar - Nejîndar (animate/inanimete)

Bimantiq - Bêmantiq (rational/non-rational)

Însan - Neînsan (human/non-human)

Însanên Nêr – Yê Din (male human/other)

Biquwet – Lawaz (strong/weak)

Mezinkirî - Piçûkkirî (augmentative/diminutive)

Nêr – Yê Din (male/other)

Nêr – Mê - Bêzayend (masculine/feminine/non-sexed)

Corbett (1991) du krîterên din jî li van krîteran zêde kirine; (1) krîter li jorê hatî behskirin, di hin ziman de dibe ku bi hev re werin bikaranîn û krîterên nû derxine meydanê. Mesela, di hin ziman de hem senifandina însan – neînsan heye û hem jî senifandina “nêr – yê din” heye. Di encama yekbûna van herdu krîteran de krîtera Însanên Nêr – Yê Din derdikeve meydanê. Krîtera duyem (2) jî ew e ku herçiqas di gelek zimanên dunyayê de *nêrtî* wek krîtereke dîyarker derkeve pêşberî me jî di hin ziman de *mêtî* jî wek krîtereke dîyarker xwe nîşan dide (Corbet, 1991: 30). Krîterên li jorê hatî behskirin, krîterên me’neyî ne ku ji bilî van krîteran krîterên şiklî jî hene. Yanê dibe ku hin gireyê li bêjeyan zêde dibin zayenda navdêran diyar bikin. Wek gireya biçûkkirinê (diminutive) ku di gelek ziman de navdêran dike mî (Corbett, 1991).

Beriya ku dest bi mijarê bête kirin bi awayeke kurtasî behskirina hebûna zayendê di Kurmancî de wê kîr bê. Di Kurmancî de navdêr li bin du zayandan têñ senifandin; yêñ *nêr* û yêñ *mê*. Eger navdêr di rewşa tewandî yan jî rewşa bangkirinê de, yan jî di nav izaferî de wek yekjimar neyêne bikaranîn, di derbarê zayenda navdêren kurmancî de tu agahî dest nakeve (Haig, 2000: 4).

Yanê, navdêr bi serê xwe û di rewşa rasterast de tu agahî di derbarê zayenda xwe de nadin. Dîsa cînav û rengdêrên zayend-dîyarker jî ji wan bêjeyan in ku derbarê zayendê de agahî didin. Eger em bikaranîna paşgirê zayendê yên kurmancî di nav tabloyekê de bidin wê wiha be (Tan, 2015; Bedîr Han û Lescot, 2004; Taş, 2013; Ekîncî, 2007; Adak, Aydin û yên din, 2016; Samûr, 2012; Komxebata Kurmancîye, 2016):

Tablo 1: Di Kurmancî de Paşgirê Zayendê²

	Rewşa Tewandî		Rewşa Bangkirinê	Îzafe	
	Dîyar	Nedîyar		Dîyar	Nedîyar
Nêr	-î	-î	-o	-ê	-î
Mê	-ê	-ê	-ê	-a	-e/-a

Ji bilî paşgirê zayendê cînav û regdêrên zayend-dîyarker jî di Kurmancî de derbarê zayenda navdêra refere lê tê kirin de agahî didin. Ev jî bi vî awayî ne:

225

Tablo 2: Cînav û Rengdêrên Zayend-Dîyarker

Zayend	Cînav û rengdêrên zayend-dîyarker
Nêr	vî / wî
Mê	wî /wê

Di vê xebatê de di serî de wê li ser çend taybetîyên bingehîn yên sîstema dîyarkirina zayenda navdêran bê sekinin. Ev taybetî, (1) bermayîyên me'neyî (Semantic Residue) û (2) serhevduvebûn (overlapping) in. Dû re, wê li ser sîstema dîyarkirina zayenda navdêrên Kurmancî bê sekinîn. Di vê beşe de, pêşî wê sîstema dîyarkirina navdêran di bin du kategorîyan de bê senifandin; sîstema dîyarkirina navdêran ya me'neyî, sîstema dîyarkirina navdêran ya şiklî û ev ê bi rêzê ji bo dîyarkirina zayenda navdêrên Kurmancî werine bikaranîn. Paşê jî, wek

² Her çiqas di Kurmancî de paşgira nedîyarîyê paşgira “-ek(-)” jî be lewra ev paşgir tu bandora xwe li ser zayendê tune û dîsa lewra ne ji paşgirê zayendê ne li vê derê de nehatine dayîn.

dawî wê li ser rêkkeftina zayendî ya navdêren pirjimar hatî kişandin were sekinîn.

1. Çend Taybetiyêن Bingehîn yên Sîstema Dîyarkirina Navdêran

Sîstema dîyarkirina navdêran di hin zimanen de pêvajoyeke komplex e û di hinekên din de nîsbeten kêmter komplex e. Beriya ku dest bi terîfa sîstema dîyarkirina zayenda navdêran di Kurmancî de were kirin, hin taybetiyêن vê sîstemê yên ku di gelek zimanen dinyayê de têne dîtin, were kirin wê ev mijar rihattir zelal be. Ev taybetî (1) bermayîyêن me’neyî (Semantic Residue) û (2) serhevdubebûn (Overlaping) in.

1.1. Bermayîyêن Me’neyî (Semantic Residue)

Zagona “bermayîyêن me’neyî” (Semantic Residue) ew tişt e ku navdêren ku bi zagonen pozitîf ve têne senifandin, dikevine nav wê senifa zayendê ku bi zagonen pozitîf ve têne dîyarkirin û navdêren ku bi zagineke pozitîf ve nayêne senifandin jî dikevine nav wê senifa zayendê ku di wî zimanî de ji bo vê senifê senifek heye. Mesela, Bedir Han û Lescot (2005: 67-68) derbarê sîstema dîyarkirina zayenda navdêran di Kurmancî de wiha dibêje; di Kurmancî de, navdêren ku tişten şenber yên tüj, bilind nîşan didin zayenda *nér* distînin û navdêren şenber yên kûr, qul an jî rast nîşan didin jî zayenda *mê* distînin. Ev herdu zagon zagonen pozitîf in. Yanê, zaginek heye ku senifa zayendê nîşan dide. Lê hin navdêr hene ku bi tu zagineke pozitîf ve nikarin di nav senifeke zayendê de werin bicikirin. Ev navdêr di nav gruba “bermayîyêن me’neyî” (Semantic Residue) de cih digirin. Di Kurmancî de navdêren bermayîyêن me’neyî wek mî têne işaretkirin. Ji bo vê Bedir Han û Lescot (2005: 60) dibêje, eger navdêrekê bi rîyekê mantiqî (bi te’rîfa me bi zagineke pozitîf ve) ve nikaribe were terîfkirin ew navdêr mî tê qebûlkirin.

1.2. Serêkvebûn (Overlapping)

Zagona serêkvebûn ew tişt e wextê navdêrekê ji krîtereke pozitîf zêdetir bi krîteran ve bê dîyarkirin, yanê wextê ev krîteren pozitîf bavêjin ser hevdu, ji van krîteren pozitîf ew krîtera pozitîf tê hilbijartin ya ku ji hêla wê civakê ve bihêzîr tê dîtin. Mesela, di Kurmancî de endamê laşê însanan dikevine nav senifa zayendê ya *nér*. Ev krîtereke pozitîf e. Di vê rewşê de divê her endama laşê însanan *nér* be. Dîsa, krîtereke pozitîf ya din jî ev e ku di Kurmancî de tişten bêhêz û bêparastin *mê* ne. Bêjeya “piş” ew bêje ye ku di nêrîna jîyanê ya Kurmancan de bi van herdu krîteren pozitîf ve dikare were senifandin. Yanê eger em bi krîtera pozitîf ya ewil vê bêjeya “piş” binirxînin, divê ev bêje *nér* be lê eger em bi krîtera pozitîf ya duyem ve vê bêjeyê binirxînin, divê ev bêje bibe *mê*. Di vê derê de ev herdu krîter ser yek ve bûne (Overlapping). Di encama vê serêkvebûnê de, di nêrîna jîyanâ Kurmancan de krîtera duyem zêdetir giran hatiye û ev bêje wek mî hatiye hesibandin. Divê ev jî bê gotin ku ev krîter cudahîyêن zayenda navdêran ya di navbera devokan de heyî dikare heta

radeyekê te'rîf bike. Yanê hin devok dikarin di encama serêkvebûnê de krîterekê hilbijêrin û devokeke din jî krîtera din ya pozitif hilbijêre. Mesela, di hin devokên Kurmancî de “mû” wek *nér* û di hinan de jî wek “*mê*” tê bikaranîn.

2. Sîstema Dîyarkirina Navdêran di Kurmancî de

Zayenda navdêran di zimanan de bi du awayî dîyar dibin; bi agahiyêne me'neyî (Semantic) yên navdêran û bi agahiyêne şiklî (form) yên navdêran. Agahiyêne şiklî yên navdêran di nav xwe de dibin du beş; agahiyêne derbarê morfolojîya dariştinî ya navdêran û agahiyêne derbarê fonolojîya navdêran (Corbett, 191: 7-8). Yanê, sîstema dîyarkirina navdêran bi agahiyêne me'neyî yên navdêran û bi agahiyêne şiklî yên navdêran ve tê bidestxistin.

2.1. Sîstema Me'neyî ya Dîyarkirina Zayenda Navdêran

Di zimanên xwedîzayend de me'na navdêrekê di dîyarkirina zayenda navdêrê de roleke gelek mezin hildigire. Ev rewş di hin zimanan de gelek bandordar e lê di hinekan de zêde bandordar nîne. Di dîyarkirina zayenda navdêrekê de bandortirîn taybetiya me'neyî ya navdêrekê ew zayenda bîyolojîk e ku bi wê navdêrê ve tê uestkirin. Lê aşîkar e ku piranîya navdêrêni di zimanekî de nejîndar in û navdêrêni nejîndar xwedî zayenda bîyolojîk nînin. Yanê navdêrêni hebûnênejîndar nikarin bibin nêr an jî mê. Loma ji bo dîyarkirina zayenda navdêrênejîndar hin krîteren din hene. Yanê, gelo çîma di Almanî de “Gabel” (çetel) mê ye, “Messer” (kêr) notr e û “Löffel” (kevçî) nêr e? Dîyarkirina van navdêrênejîndar pêvajoyeke komplekstir e (Haig, 2000: 3-4).

227

Di Kurmancî de sîstema dîyarkirina zayenda navdêran bi piranî bi krîteren me'neyî ve derdikevin meydanê. Ji bilî krîteren me'neyî hin krîteren şiklî yên bi morfolojîye ve eleqedar jî di dîyarkirina zayenda navdêrêni Kurmancî de bandordar in. Ji bo dîyarkirina zayenda navdêran di Kurmancî de divê pêşî navdêr di nav xwe de wek yên jîndar û yên nejîndar werin senifandin. Paşê jî ev navdêr di nav xwe de wê werine senifandin.

1.1.1. Sîstema Me'neyî ya Dîyarkirina Zayenda Navdêrêni Jînadaran

Navdêrêni jîndar navdêrêni însan û heywanan in. Di dîyarkirina van herdu grubênavdêran de sê hêman bandorê li ser dîyarkirina zayenda navdêran dikin. (1) Dîyarkirina zayenda navdêran bi awayeke leksîkî, (2) dîyarkirina zayenda navdêran bi awayeke referansî û (3) benda cudabûyîna zayendê.

a. Sîstema Leksîkî ya Dîyarkirina Zayenda Navdêran

Dîyarkirina zayenda navdêran bi awayeke leksîkî ew tişt e ku zayenda navdêrêni jîndar ji bêjeyan xwe têne fêmkirin. Mesela, ji me'neya bêjeyêne wek *bav*, *bira*, *ap*, *xal*, *zava*, *pismam*, *hevling*, *kal*, ... hwd. zayenda wan a rêzimanî tê fêmkirin.

Lewra ev navdêr jîndarêñ însan yên ji hêla bîyolojîk ve nêr nîşan didin û loma navdêrên nêr in. Heman tişt ji bo navdêrên însan yên ji hêla bîyolojîk ve mêt ji derbasdar e. Wek, dê, xwîşk, jinap, jinxal, bûk, dotmam, jintî, dapîr, hwd. Ev rewş di navdêrên heywanan nîşan didin de ji heye. Mesela, navdêrên wek *conege, dik, beran, hesp, nêri, kopek, nerekew, nérker*, ... hwd. hem ji hêla bîyolojîk ve, hem ji hêla gramatîk ve û hem ji hêla leksîkal ve nêr in. Ji aliyê din ve, navdêrên wek *çelek, mirîşk, mî, mehîn, bizin, délik, mîkew, manker*, ... hwd. ji dîsa wek navdêrên berîyê hatî dayîn ji hêla bîyolojîk, gramatîk û leksîkî ve mêt ne.

Di derbarê navdêrên jorê yên ji hêla leksîkî ve zayenda wan dîyar de du husus hene ku divê bêne zanîn. (1) Navdêrên însanan yên ji hêla leksîkî ve zayenda wan tê zanîn hema bêje bi temamî di navenda xwe de navdêrên nêr digirin. Yanê navdêrên nêr yên mervantîyê nîşan didin yên *wek ap, xal, bira*, ... hwd. ji bo formen van yên mêt bingeh in. Weku, navdêra mêt ya “jinap” ji navdêra nêr ya “ap”, disa, “jinxal” ji “xal”, “jinbira” ji “bira” tê çêkirin. Di Kurmancî de eksê vê rewşê mumkun nîne (Haig û Öpentin, 2014: 6). Yanê ji navdêra mêt ya “met”ê navdêreke nêr wek “mîrmet”* nikare were çêkirin.

Hususa duyem (2) ji derbarê navdêrên heywanan de ye yên ku ji hêla leksîkî ve zayenda wan tê zanîn. Hin ji van navdêran ji bo nîşandana cureyeke heywanan tê bikaranîn wek, gur, ker, kewhwd. Ev wextê bi vê awayî têne bikaranîn zayandan wan yan di nav çarçoveya cotzayendî de tê nirxandin û bi awayeke referansî zayenda wan tê dîyarkirin³ yan ji bi hin pêşgir, paşgir an ji bêjeyan ve zayenda wan bi awayeke leksîkî tê dîyarkirin. Mesela, navdêra “kew” bi pêşgirên {mêt-} û {nêr-} ve dibe “mîkew” û “nerekew” û zayenda wê bi awayeke leksîkî dîyar dibe. Heman tişt ji bo bêjeya “ker”ê ji dikare were gotin ku ew ji dibe “manker” û “nêreker”.

b. Sîstema Referansî ya Dîyarkirina Zayenda Navdêran

Di Kurmancî de hin navdêr hem ji bo jîndarêñ nêr hem ji yên mêt bêni bikaranîn. Mesela, *heval, xwendekar, mamoto, doxtor, xwarzî, birazî, ker, kew, şér, piling, mişk*, hwd. ji van navdêran in. Ev navdêr her weki tê dîtin hem navdêrên însanan hem ji yên heywanan in. Dîsa regdêr wextê wek navdêran têne bikaranîn ew ji ji bo du zayandan têne bikaranîn, wek, “delal”, “xweşik”, “çeleng”, “kurmî”, “beredayî”, ... hwd. Mesela, yek dikare ji yekê re hem bêje “delala min” û hem ji “delalê min”. Di ya ewil de kesa delal keseke jin e û ya duyem de kesê delal kesekî mêt e û bi vî awayî mînakêñ din ji dikarin werin bikaranîn.

Berîya behsa hurgîlîyêñ vê beşê bê kirin, divê çarçova teorîk ya van navdêran bê danîn ku bi awayeke referansî zayenda wan dîyar dibe. Bedir Han û Lescot (2005: 69) navdêrên referansî wek navdêrên nêr qebûl kirine û ji bo bikaranîna

³ Li jîrê wê behsa dîyarkirina zayenda navdêran ya bi awayeke referansî û cotzayendîyê were kirin.

van navdêran ya bi awayeke mî jî îddîa kirine ku ev bikaranîna mî tenê ji hêla rîkkeftinê ve pêk tê. Lê Haig û Öpentin (2014) û Haig (2000) ev navdêr wek cotzayend⁴ terîf kirine. Yanê ev navdêr ne navdêren nêr in ne jî yên mî ne. Li gor zayenda bîyolojîk ya jîndara ku nîşan didin, zayenda wan navdêran diguhere. Ji bo vê îddîayê jî Haig (2000: 9) du delîlên xwe hene: (1) navdêreke zimanekî eger di nav grubeke zayendê de hatibe senifandin mecbûr e rîkkeftinê bi wê zayendê ve bike. Yanê eger mesela bêjeya “heval” nêr be mecbûr e tenê rîkkeftina nêr nîşan bide. Lê “heval” hem rîkkeftina nêr wek “hevalê min” hem jî rîkkeftina mî wek “hevala min” nîşan dide. Argumenta duyem (2) ya Haig û Öpentin (2014: 7) jî kîmbûna nîşanên morfolojik an jî fonolojik yên ku zayenda navdêren referansî nîşan didin. Yanê tu işareteke morfolojîk an jî fonolojîk tune ku nîşan bide ka gelo “heval” navdêreke nêr e an mî ye. Lê mesela di Zazakî de ev işaret hene. Bêjeya “heval” an jî “embaz” ji bo hevalên nêr û bêjeya “hevale” an jî “embaze” jî ji bo hevalên mî tê bikaranîn (Malmisanij, 2015: 67; Gruba Xebate ya Vateyî, 2013: 23; Bîngol, 2020). Dîsa Kerîmî (2019: 7) jî wek terîf Haig (2000) û Haig û Öpentin (2014) terîfekê ji bo navdêren cotzayend bikar anîye. Lê ew bêjeya *navdêren mobil* li navdêren cotzayend kirîye.

Navdêren cotzayend yan jî yên referansî her wekî me li jor got, divê pêşî li bin du gruban werin senfiandin; (1) Navdêren însanan û (2) Navdêren heywanan. (1) Navdêren însan, her wekî behsa wê hatibû kirin disa li bin du gruban dikare were senifandin: (a) yên navdêr û (b) rengdêren wek navdêr têne bikaranîn. (a) Yên navdêr bi piranî ji bo navê pîşeyan têne bikaranîn wek, *doxtor, xwendekar, mamoste, karmend* hwd. ev navdêr jî di nav xwe de dibin du grub;

(I) navdêren ku bi giranî refereyê zayendekê nakin

(II) navdêren ku bi giranî refereyê zayendekê dikan.

Ji bo gruba (I); mesela, navdêra “heval” bi giranî refereyê zayendekê nake loma jî li gor navdêra refere dike zayenda xwe hildide. Wextê kesê refere lê tê kirin jin be wek “hevala min” û wextê kesê refere lê tê kirin mîr be wek “hevalê min” tê kişandin. Wextê zayenda refere lê tê kirin nedîyar be wê çaxê di nav çarçoveya nîrtîya gelenper (generic masculines)⁵ de wek nêr tê kişandin. Ji bo gruba (II) jî navdêren “hemşîre” û “seyda” dikare wek mînak were dayîn. Her

⁴ Bêjeya cotzayend di bêrehemên behsa wan hatî kirin de wek “common gender” (zayenda gelenper), “double gender” (cotzayend), “multiple gender” (pir zayend) hatine dayîn. Em ê di vê xebatê de ji bo van bêjeyan “cotzayend” bikar bînin.

⁵ Nîrtîya Gelenper (generic masculines) ew tişt e ku wextê navdêreke cotzayend an jî cînavkeke rîkkeftina zayendî li ser tê xwîyanê (wî, wê, vî, vê) navdêrek nîşan bide ku zayenda wê nayê zanîn, wê çaxê ev navdêra cotzayend an jî cînavk wek nêr tê kişandin. Wek; “Zaroka kurd, kurd e. Diya wî kurd e, bapîrê wî kurd e (Haig, Öpentin, 2014a: 9).

çiqas mêt jî bikaribin bibin “hemşîre” û jin jî bikaribin bibin “seyda” lê wextê ev navdêr têne bikaranîn bi piranî li gor wê zayenda bîyolojîk têne kişandin ku ew zayend vê pîşeyê bi giranî dike. Derbarê vê de McConnell, Cinet (2011: 11) dibêje, pîşeyên ku bi giranî ji hêla mîran ve dihatine kirin lê niha ji hêla jinan ve jî têne kirin, dibine sebebê tevlihevîyê di zayenda kesa/ê referebûyî de. Dîsa Haig û Öpentin (2014) ji bo nav navdêrên bi zayendeke bîyolojîk ve zeliqîne bêjeya “termên yekzayendi” (gender exclusive terms) bikar anîne. Mînakeke ji bo van navdêran di kilama Şakiro ya bi navê “Sînem” de derbas dibe ku wuha ye;

Lewra tu şêxê min î ez mirîdê te me,
Tu seydayê min î ez suxtayê te me (Şakiro, Sînem Heyran)

Li vê derê kesê kilam dibêje mêt e û xîtabê jinekê dike û ji jinikê re dibêje “tu şêxê min i” û “tu seydayê min i”. Her çiqas di van hevokan de bêjeyên “şêx” û “seyda” refereyê jinekê bikin û divê rîkkeftineke mê nîşan bidin jî, lê rîkkeftin bi awayekî nêr e. Ji ber ku pîşeyên şêxtî û seydatîyê ji hêla mîran ve bi giranî têne kirin, loma jî her çiqas kesê refere lê hatî kirin jin be jî rîkkeftina nêr hatiye bikaranîn.

Gruba duyem ya navdêrên însanan yên refereyê du zayandan dikin jî ew navdêr in ku eslê wan rengdêr in. Mesela, delala/ê min, şêrê/a min, kevoka/ê minhwî. Zayenda van navdêran jî li gor sîstemekê dîyar dibe. Kesa/ê ku refere lê tê kirin eger were zanîn jixwe li gor wê tê kişandin. Mesela;

Nenas û xerîbê welatan ez im
Pepûkê serê koh û latan ez im (Tîrêj, 2015: 31)

Her wekî di vê rîzika Seydayê Tîrêj de tê xwîyanê, bêjeya “pepûk” hem dikare refereyê navdêrêke nêr hem jî navdêrêke mê bike. Lê di vê derê de Seydayê Tîrêj bi vê bêjeyê ve xwe nîşan daye. Loma jî rîkkeftina nêr pêk hatîye.

Lê eger kesê refere lê tê kirin neyê zanîn wê gavê yan li gor nîrtîya gelempar tê kişandin, yan jî li gor taybetiya rengdêrê tê kişandin. Ji bo nîrtîya gelempar em dikarin vê mînakê ji helbesta Feqîyê Teyran ya bi navê “Ey Av û Av” bînin;

Bê rahet û bê sekne yî
Yan ‘aşiqê baxwê xwe yî?
Yan Şubhetê Qelbê me yî
Ji işqa kê natebixî (Sadinî, 2011: 111)

Di vê çarînê de bi bêjeya “aşiq” ve tişta tê qestkirin esas av e û zayenda bêjeya “av”ê mê ye. Lê di çarçoveya nîrtîya gelenper de bêjeya “aşiq” wek nêr hatiye bikaranîn.

Ji bo taybetîya rengdêrê ev dikare wek mînak bê dayîn; eger em bêjeyên “egîd” û “delal” bi awayekî kesê/a refere lê tê kirin neyê zanîn bikêşin wê wiha be; Li vî welatî egîd pir in. Elbet *egîdekî* wê rastê te were.

Li vî memleketî delal pir in. Elbet tu yê evîdarê *delalekê* bibî.

Di van mînakan de navdêrên “egîd” û “delal” ku eslê xwe de rengdêr in, bi giranî ji bo kîjan zayendê hatine bikaranîn bi wê zayendê re rîkkeftinê danîne. “Egîd” bi piranî ji bo kesen egît û mîr tê bikaranîn loma jî wek nîr û “delal” jî ji bo kesen xweşik ên jin tê bikranîn loma jî wek mî hatîye bikaranîn.

Zayenda navdêrên cotzayend yên heywanan bi du awayî dîyar dibe. Yan zayenda wê navdêra cotzayend ya ku refere lê tê kirin dîyar e û li gor wê tê kişandin, wek, “kera me” ji bo kera mî û “kerê me” ji bo kerê nîr tê bikaranîn; yan jî zayenda wê navdêrê ya ku bi navdêra cotzayend ve tê işaretkirin nayê zanîn. Di vê rewşa duyem de zayenda van navdêran bi wan kirîteran ve têne dîyarkirin ku ji bo navdêrên nejîndar têne bikaranîn.⁶ Mesela, wextê zayenda “şêr” û “kevok” nayê zanîn û di nav hevokekê de werin bikaranîn, lewra çîma “şêr” hêzdar e, loma jî wek nîr tê işaretkirin; wek “şêrê wehşî” û çîma “kevok” hessas û rindik e, loma jî wek mî tê işaretkirin “kevoka li ser darâ”.

Tablo 3: Sîstema Referansî ya Dîyarkirina Zayenda Navdêran

Navdêrên Însanan	Navdêr	Navdêrên bi giranî refereyê zayendekê <i>nakin</i>	Zayenda navdêrê tê zanîn	Li gor zayenda referans lê tê kirin	Hevalê min Hevala min
			Zayenda navdêrê nayê zanîn	Li gor nêrtîya gelenper	Hevalê min Doxtorê min
		Navdêrên bi giranî refereyê zayendekê <i>dikin</i>	Zayenda pîşeyî		Seydayê min Sînem e. Hemşîra min Elî ye.
Navdêrên ji rengdêran hatî çekirin		Zayenda navdêrê tê zanîn	Nêrtîya Gelempar		‘aşiqê baxê xwe ...
		Zayenda navdêrê nayê zanîn	Li gor zayenda navdêrê	Li gor taybetiya rengdêrê	Egîdekî Delalekê

⁶ Li jêrê wê bi berfirehê behsa van kirîteran were kirin.

Navdêrên Heywanan	Zayenda navdêrê <i>tê zanîn</i>	Li gor zayenda navdêrê	Kerê me Kera me
	Zayenda navdêra referebûyî <i>nayê zanîn</i>	Krîterên zayendê yên navdêrên nejîndar	Şêrê jêhatî kevoka xweşik

Di vê tabloyê de senifandina zayenda navdêrên referansî hatiye kirin ku li jorê bi hurgili behsa wê hate kirin.

c. Benda Cudabûyîna Zayendê

Di gelek zimanê xwedîzayend de navdêrên jîndarên biçük wek “dergûş” û “heywanên biçük” muemela zayendî ya navdêrên din yên jîndar nabînin. Mesela di zimanê Zandeyê de, navdêrên mîran nîşan didin nîr û yên jinan nîşan didin jî mî têne işaretkirin. Lê ji bo zarokan wê zayendê bi kar tînin ku ji bo zayenda heywanan tê bikaranîn (Corbett, 1991: 14-15). Gelo heta çendsalîyê zayenda navdêrên însanên biçük û heta çiqas mezintîyê zayenda navdêrên heywanên biçük di nav senifîn însan û heywanên mezin de nayê senifandin? Bersiva vê pîrsê li gor civatan diguhere. Ji bo vê benda dîyarbûna zayenda navdêrên jîndar bêjeya “benda cudabûyîna zayendê” (threshold sex-differentialbility) tê bikaranîn.

232

Ji bo “benda cudabûyîna zayendê” dibe ku ji Almanî jî mînak bê dayîn. Mesela, bêjeya ‘Mädchen’(Keçik) her çiqas navdêreke jîndarên mî be jî û divê zayenda wê mî be, lê zayenda wê notr e. Lê hin caran wek mî jî tê bikaranîn. Braun û Haig (2019: 2) vê rewşê bi faktora , ‘emir ve terîf dikin. Yanê eger “Madchen” (Keçik) ji bo keçikêni bi emir biçük were bikaranîn wek notr û ji bo keçikêni mezin were bikaranîn wek mî tê bikaranîn.

Di Kurmancî de “benda cudabûyîna zayendê” heye. Ev bend hem di navdêrên însanan de hem jî yên heywanan de heye. Ji bo navdêrên însanan bêjeya “dergûş” dikare wek mînak were dayîn. Di kilama Şakiro ya bi navê “Ferzende Beg” de ji bo vê rewşê mînak heye,

Asyayê digot Besrayê dardayê *dergûşa* milê te *lawîn* e

Tu bi destê *Elfesya* bigrê ji navê derkeve here. (Yıldız û Taşkin, 2018: 72; Şakiro, Ferzende Beg: 4.38-4.41)

Di vê dere de her çiqas “dergûş” lawîn yanê kurik be jî lê “dergûş” wek mî hatîye kişandin. Dîsa navê dergûşê “Elfesya”ye ku ev nav navê mîran e.

Hin navdêr hem ji hêla leksîkî ve hem jî ji hêla rîkkeftina zayendî ve her çiqas di nav sînorêñ zayendekê de bin jî dikarin bi firehbûna meneyê ve ji bo zayenda din jî bêne bikaranîn. Her çiqas di Kurmancîya standart de ev rewş tine be jî, bi

taybetî di devoka Bohtan⁷ de mînakeke bi vî awayî heye. Mesela, bavek dikare ji keça xwe re bêje “kurê min”. Di vê derê de bêjeya kur hem ji hêla leksîkî ve û hem jî ji hêla rêtkeftinê ve nêr e lê kesa refere dike mê ye. Sebebê vê bi me berfirehbûna me’neya bêjeya nêr a “kur” ber bi bêjeya cotzayend “ewlad” ve ye. Lê wextê me’ne fireh bûye, zayenda bêjeyê neguherîye.

Dibe ku *benda cudabûyîna zayendê* ne tenê ji bo navdêrên însanan lê ji bo navdêrên heywanan jî wek krîterek derkeve pêşberî me. Bedir Han û Lescot (2005: 65) wiha dibêjin; gelek navdêrên heywanan wek nêr û mê têne senifandin. Mesela “rovî” û “şêr” nêr lê “kew” û “qijik” mê ne. Di dîyarkirina zayenda navdêrên hewanen de biçûkbûn û mezînbûn jî krîterek e. Krîteren heywanen mezîn li jorê hate behskirin, Heywanen biçûk jî lewra îşaretên derbarê zayenda wan ya bîyolojîk kêm in, yanê ji şiklê wan nêftî an jî mîyîfîya wan nayê fîmkirin loma jî heywanen ji aliyê girseya xwe ve biçûk in bi piranî mê têne qebûlkirin. Lê di vê xususê de tiştekê heye ku divê bête zanîn, hin heywanen biçûk ji ber hin krîteren din dikarin têkevîne nav senifa navdêra nêr. Di vê rewşê de krîtera serêkvebûna (overlapping) dibe sebep ku ev navdêr nêr bêne qebûlkirin. Mesela, “mişk” her çiqas mê be jî “mişkê kor” wek nêr tê qebûlkirin. Lewra, “mişkê kor” heywaneke zerardar e û lewra tiştên xeternak nêr in, loma jî ew nêr têne qebûlkirin.

2.1.2. Dîyarkirina Zayenda Navdêrên Nejîndaran

233

Di zimanên xwedîzayend de pêvajoya dîyarkirina zayenda navdêrên nejîndaran li gor navdêrên jîndaran zehmettir e. Her wekî lêkolînerên wek Haig (2000: 11), Haig û Öpentin (2014: 60-61) û Blau û Barak (1999: 31) gotine dîyarkirina zayenda navdêrên nejîndaran di Kurmancî de pêvajoyeke tevlihev e. Li gor wan zayenda gelek navdêrên nejîndaran yên Kurmancî li gor sîstemâtîkekê nikare were dîyarkirin.

Xebatêni li ser dîyarkirina zayanda navdêran di Kurmancî de bi piranî li ser navdêrên jîndaran hatine çêkirin. Xebateke ji xebatêni herî girîng û ya ewil ya li ser dîyarkirina zayenda navdêran di Kurmancî de xebata Emir Djaledet Bedir Khan û Roger Lescot ya bi navê “Grammaire Kurde (Dialecte Kurdmanji)” ya di sala 1971an de çapbûyî ye. Di vê xebatê de hem li ser dîyarkirina zayenda navdêrên jîndaran û hem jî li ser yê nejîndaran sekinîye. Dîsa, Kurd (2011) bi awayeke berfireh lê ne bi awayeke sîstemâtîk li ser vê mijarê sekinîye.

Di vê beşê de wê krîteren dîyarkirina zayenda navdêrên nejîndaran yên di zimanên dinde hatî qebûlkirin bo Kurmancî jî bê tetbiqkirin. Ev kriter li bin heft serenavan kom bûne.

⁷ Li gor axêverê Behdînî Şehmûz Kurt di devoka Behdînî de jî ev rewş heye.

1. **Hişkahî û Bihêzbûn:** Hişkahî û bihêzbûn di zimanan de krîtereke dîyarkirina zayenda navdêran e. Mesela di zimanê Objibwayê de ev kirîtereke gelek girîng e. Dîsa ji hêz û hişkahîyê çi tê fêmkirin ew jî girîng e (Corbett, 1991: 21). Ev fêmkirin li gor nêrîna heyatê ya wê civatê diguhere. Di Kurmancî de jî ev krîtereke girîng e. Navdêren hişk û bihêz nêr in û yên nerm û bêhêz mîne. Mesela, *kevir, zinar, demir, çiya, hestî, şér, hwd.*” navdêren hişk û bihêz in lewra jî nêr in lê *xwelî, hirî, çemûr, ax, xezal*, hwd. jî navdêren nerm û bêhêz in loma jî mîne.
2. **Tiştên Erêni (Tiştên Bifayde):** Di Kurmancî de tiştên li gor civata Kurmancan wek erêni têne dîtin nêr û yên neyînî têne dîtin jî mîne. Mesela, berhemêni ji heywanan têne destxistin wek tiştên erêni dikarin bêne terîfîkirin. Wek mînak, *şîr, mast, rûn, dew, to, penêr, goşthwd*. Ji bo tiştên neyînî jî tiştên neyînî yên ji heywanan dertên dikarin wek mînak bêne dayîn; mesela, *rêx, bişgul, mîz*, hwd. Eger were pirsin, “gû” navdêreke neyînî ye lê çîma nêr e? Bersiva wê bi krîtera “serêkvebûn”ê (overlapping) ve dikare were vegotin. Ev bêje her çiqas tişteke neyînî be jî di Kurmancî de bi piranî ji bo sixêfan tê bikaranîn. Ev rewş jî menyeke hêzdarîyê li vê bêjeyê zêde dike ku li jorê hate gotin navdênen hêzdar nêr in. Di encama serêkvebûna van herdu krîteran de krîtera duyem ya hêzdarbûyînê li ser ketiye. Loma jî wek nêr hatiye qebûlkirin.
3. **Bilindahî:** Tiştên bilind û mezin di Kurmancî de nêr û tiştên çal û biçûk mîne (Bedir Han û Lescot, 2005). Mesela, *çiya, zozan, kaş*, hwd. mezin û bilind in loma jî nêr in û *deşt, çal, newal, herq, morîstang*, hwd. jî çal, rast û biçûk in loma jî mîne.

4. **Perçe û Tevahî:** Têkilîya perçe û tevahîyê di gelek zimanan de xwe wek krîtereke dîyarkirina zayendê nîşan dide. Mesela di Almanî de navdêren navê gruban nîşan didin dibin notr û navdêren di nav wê grubê de ne mîne. Wek mînak, “Instrument” (enstiruman) notr e lê “guitarre” (gitar) mîye. Dîsa, “Obst” (Meywe) notr e lê “Apfel” (sêv) mîye (Corbett, 1991: 84). Ev rewş di Kurmancî de jî heye. Navdêren navê grubê nîşan didin nêr in lê navdêren endamên an jî perçeyêن vê grubê ne, ew jî mîne. Mesela, bêjeya “wext” nêr e lê bêjeyêن “roj, şev, esir, sibe, duşem, payîz, zivistan, sal”, hwd. ku perçeyêن gruba “wext” ne ew jî mîne.⁸ Dîsa, bêjeya “bajar” nêr e lê endamên vê grubê yên wek “Dîyarbekir, Mûş, hwd.” mîne. Dîsa “welat” nêr e lê “Kurdistan, Tirkîye, Almanya, Iraq, hwd.” mîne. Malbata gîyayan

⁸ Di hin devokan de hin caran bêjeya “wext” an jî hem me’neyêñ wî “dem” “zeman” wek mî jî dikarin werin bikaranîn. Sedemê vê ew e ku “wext” û hem me’neyêñ wî eger bi me’neya gelenperî de were bikaranîn wek nêr tê bikaranîn lê eger di me’neyeke taybet de were bikaranîn wek mî tê bikraranîn. Mesela, “wextê wê derbas bûye” di vir de wext ne dîyar e loma nêr e lê “wexta tu hatî em çûn” di vê derê de jî wext dîyar e.

jî dikeve nav vê grubê. Jina Kurd (2001) dibêje; “Gîya jî malbatek heye, û gîha bi xwe serokê wê malbatê ye, zayenda gîyê nêr e. Lê gîyagelaşen mirov an ajel wan dixwin, zayenda wan mê hatîye; vê tuzikê, vê pûngê, vê sebanixê, ...”.

5. **Xeternaktî:** Di Kurmancî de navdêrên xeternak nêr in. Her wekî li jor behsa wê hatibû kirin hin navdêrên heywanan li gor krîterên navdêrên nejîndar têne dîyarkirin. Mesela, “mîşk” her çiqas biçûk be jî çima “mîşkê kor” tişteke xeternak e ji bo çandînîyê loma jî wek nêr hatiye senifandin. Dîsa, “mêş” mê ye lê çima “moz” xeternak e wek nêr hatiye senifandin. “Cin”, “şeytan” çima tiştên xeternak û xirab in loma jî wek nêr hatine senifandin. Ev rewş di zimanên Ojibwa û Dyirbal de jî heye (Corbett, 1991: 24-25).
6. **Bêjeyên Dînî û Mîtolojîk:** Bêjeyên mitolojik di civatê de li gor rola hilgirtîye ser xwe tê senifandin (Corbett, 1991: 16). Ev rewş di Kurmancî de jî heye. Mesela, *Xwedê, pêxember, reb, ruh, qelb*, hwd. nêr in û *merhemet, riza*, hwd. jî mê ne.
7. **Têkilîya Tasawurî:** Li gor vê krîterê eger navdêrek bi navdêreke din re di nav têkilîyekebihêz de be wê gavê zayenda wê navdêrê distîne. Di Kurmancî de jî ev krîter heye. Mesela, kincênu ku însan li xwe dikin çima bi însana re eleqedar in loma jî nêr in, wek, *kinc, pantolon, şal, işlik, atlét, kilot*, hwd. Di vê mînakê de her çiqas krîtera perçê tevahî hebe jî, yanê kinc wek navê grubê û nêr, û endamên vê grubê wek *cakêt, işlik, atlét*, hwd. jî wek mê divê were senifandin jî, lê ji ber krîtera serêkvebûnê kirîtera têkiliya tasawurî ji ya perçê tevahî girantir hatiye. Dîsa bêjeya “şar/şarpe” çima bi jinan re ji hêla tasawurî ve di nav têkilîyeke zexm de ye loma jî mê ye. An na ew jî wek cureyên din yên kincan divê nêr biba.

Dîyarkirina zayenda navdêran di Kurmancî de bi giranî bi krîterên me’neyî ve têne kirin. Ji bo vê jî pêşî navdêr li bin du beşan têne senifandin; navdêrên jîndaran û yên nejîndaran. Navdêrên jîndar wek yên nêr, mê û yên cotzayend têne senifandin. Navdêrên nejîndaran jî wek nêr û mê têne senifandin. Yên nêr li gor krîterên pozitîf; yên mê li gor krîterên pozitîf û li gor krîtera bermayîyen me’neyî ve yên din ve têne senifandin. Eger di tabloyekê de ev sîstem bê dayîn wê wiha be;

Tablo 2: Di Kurmancî de Sîstema Dîyarkirina Zayenda Navdêran bi awayekî Me’neyî ve

Navdêrên Jîndaran			Navdêrên Nejîndaran	
Nêr	Cotzayend	Mê	Nêr	Mê

Însan	Neînsan	Însan	Neînsan	Însan	Neînsan	Krîterên Pozitîf	Krîterên Pozitîf	Bermayîyen Me'neyî
Sinan, xalo, bira, ...	Beran, dîk, nêreker, ...	Heval, doxtor, seyd a, ...	Gur, ker, kew, ...	Elîf, xaltî, xwişk, ...	Mih, Mirîşk, manke r, ...	çîya, penêr, dest, ...	deşt, ax, mês, ...	radyo, internet, organîzasyon, ...

Wextê ev krîterên li jorê li navdêrekê bêne tetbîqkirin û dîsa jî zayenda navdêrê bi awayeke rast dernekete pêşberî me, wê çaxê yan ev navdêr bi awayeke morfolojik tê dîyarkirin an jî di dewreke dîrokê ya nedîyar de wê navdêrê zayenda xwe ji ber hin sedemên nayêñ zanîn guherandiye.

2.2. Sîstema Morfolojîk ya Dîyarkirina Zayenda Navdêran

Di dîyarkirina zayenda navdêran de li pey taybetîyên me'neyî yên navdêran, rîya duyem ya dîyarkirina zayenda navdêran taybetîyên şîklî yên navdêran e. Ev jî li bin du serenavan tê nirxandin; taybetiyêñ morfolojik û yên fonolojik. Taybetiyêñ fonolojîk di dîyarkirina zayenda navdêrêñ Kurmancî de xwedîyê tu bandorê nînin (Haig û Öpentin, 2014a: 4). Loma jî wê tenê li ser taybetiyêñ morfolojik bê sekinîn.

Sîstema morfolojîk her wext bi sîstema semantîk ve eleqedar e. Mesela, di gelek zimanîn de, me'na biçûkkirinê wextê li bêjeyekî tê zêdekirin, ev xwe di qada morfolojik de jî nîşan dide. Di Kurmancî de jî sîstema morfolojik di sê cihan de li ser dîyarkirina zayendan bandordar e. (1) wextê navdêrekê bi paşgira {-î} / {-tî} / {-anî} / {-ahî} ve me'neya razberîyê bi dest dixe; (2) wextê lêker dibine navdêr û (3) wextê navdêr paşgirêñ biçûkkirinê hildidin. Di van her sê rewşan de jî navdêr di nav senifa zayenda mê de cih digirin (Haig û Öpentin, 2014a: 5; Bedir Han û Lescot, 2005: 68).

Mînak ji bo kirîtera ewil (1); *mér-anî-ya* te, *kur-tî-ya* wî, *xirab-î-ya* wan, *egîd-î-ya* wî kirî, hwd. Qismek ji van navdêran her çiqas navdêrêñ nêr bin jî çîma paşgira {-î} / {-tî} yê girtine, loma jî bûne mê.

Mînak ji bo kirîtera duyem (2); *hatin-a* te, *birin-a* te, *çûyîn-a* te, hwd. Ev navdêr ji lêkeran hatine çêkirin û hemû navdêrêñ ji lêkeran hatî çêkirin mê ne.

Ji bo kirîtera sêyem (3) divê pêşî paşgirêñ biçûkkirinê yên Kurmancî bêne zanîn; {-ik}: mîr-ik, jîn-ik, berx-ik, zar-ok... hwd. Di vê derê divê ev were gotin ku navdêrêñ bi awayekî leksîkî nêr in her çiqas paşgira biçûkkirinê bigirin jî dîsa nêr dimînin; wek, mîrik, kurik, ...

{-îvk}, {-îfk} / {-ışk}: gul-îfk, germ-ışk, ... hwd.

{-o}, {-ok}, {-oke}: mirov-ok, axa-yok, ...hwd.

{-olek}, {-olik}: gul-olik, çînç-olik, ...hwd.

{-or}: gul-or,hwd.

{-onek}: tirs-onek, (Bedir Han ve Lescot, 2005: 289). Di vê derê de ev navdêr dikare refereyê herdu zayandan bike. Loma jî divê bi krîterên navdêrên cotzayend ve zayenda wê were dîyarkirin.

2.3. Sîstema Dîyarkirina Navdêrên Qerzbûyî

Li ser sîstema dîyarkirina navdêrên qerzbûyî gelek hipotez hene. Lê gelek ji van hîpotezan li ser bingehêن saxlem nehatine danîn. Sîstema herî rehet û bi bingeh ew e ku wextê navdêrekê ji zimanekî din tê qerzkirin, li gor sîstema zayendê ya zimanê qerzhidayî zayenda xwe digire (Corbett, 1991: 71). Mesela, her çiqas bêjeya “hubr”ê di Erebî de nêr be jî di Kurmancî de mî ye. Dîsa bêjeya “şîmendîfer” di Fransızî de her çiqas nêr be jî di Kurmancî de mî ye. Nexwe dikare were gotin ku zayenda navdêrên qerzbûyî li gor sîstema dîyarkirina zayenda zimanê qerzhidayî dîyar dibe.

Mijareke din ya di sîstema dîyarkirina zayenda navdêrên qerzbûyî de mijara analojiya semantîk (semantic analogy) e. Yanê hin caran ji zimanê din hin bêje qerzdibin lê ev bêje di zimanê qerzhidayî de hene (Corbett, 1991: 75). Mesela, “rûn, kum û derî” bêjeyen xwerû Kurmancî ne. Lê di hin devokêñ Kurmancî de di ber van bejeyan de wergerêñ wan yên Tirkî yên “yax, şepqe, û qapî” jî têne bikaranîn. Ev bêje çîma di Kurmancî de nêr in loma jî wergerêñ wan yên Tirkî jî wek nêr hatine senifandin.

237

Her çiqas sîstema zimanê qerzhidayî zayenda navdêra qerzbûyî dîyar bike jî, hin caran navdêra qerzbûyî zayenda xwe ya zimanê qerzdayî diparêze. Mesela, bêjeya Fransızî ya “cache-nez” ya nêr wek “kaşne” derbasê Rûsî bûye. Li gor sîstema dîyarkirina zayenda navdêran di Rusî de divê ev navdêr notr ba, lê ev navdêr di sedsala nozdehemîn de di Rûsî de wek nêr dihate bikaranîn. Sebebê vê jî li gor Thomas (1938: 169) zivirîna kodan (code-switching) e. Ev rewş di gelek civatêñ cotzimanî de heye (Corbett, 1991: 80). Gelo ev rewş dibe ku di Kurmancîya civatêñ Kurmancan yên axêverên hem Erebî hem jî Kurmancî de hebe. Lewra di Erebî de jî zayenda navdêran heye. Lê lewra Kurmancê Tirkîyê, Tirkî wek zimanê duyem bikar tînin ku di Tirkî de zayenda navdêran tuneye, loma jî em nikarin behsa rewşike wiha ji bo civata Kurmancê Tirkîyê bikin. Ev xebateke berfirehtir dixwaze, loma jî dervayê sînorê vê gotarê ye.

2.4. Sîstema Dîyarkirina Zayenda Navdêrên Pirjimar Kêşandî

Senifandina navdêran di Kurmancîya Standart de tenê wextê navdêr bi awayeke yekjimar têne kişandin dertê meydanê. Lê navdêr wextê bi awayeke pirjimar têne kişandin, maruzê tu senifanidinekê nabin. Lê di hin zimanen de wextê navdêr bi awayeke pirjimar têne kişandin maruzê senifanidê dîbin. Ev rewş di

Erebî de heye. Navdêren Erebî bi awayeke cotjimar û pirjimar dibine pirjimar. Mesela eger bêjeye “معلم muellim” (mamoste) ya nêr û bêjeya “معلمه muellime” (mamoste) ya mê bi awayeke cotjimar û pirjimar werin kişandin wê wiha be (Hamdelsayed, MA û Atwell, 2016);

(1) (معلم “muellim” (mamoste) (Nêr)

Yekjimar	Mamoste (Nêr)	معلم	muellim
Cotjimar	Du mamoste (Nêr)	معلمین / معلمان	Muellimîn/muelliman
Pirjimar	Mamoste (pirjimar) (Nêr)	معلمین / معلمون	Muellimîn/muellimûn

(2) (معلمه “muellime” (mamoste) (mê)

Yekjimar	Mamoste (mê)	معلمه	Muellime
Cotjimar	Du mamoste (mê)	معلماتان	Muellimetan
Pirjimar	Mamoste (pirjimar) (mê)	معلمات	Muellimat

Her wekî ji vê mînakê jî tê dîtin, di hin zimanên dunyayê de wextê navdêr bi awayeke pirjimar têne kişandin dikarin li gor zayenda navdêrê cuda werine kişandin.

Di devokeke Kurmancî ya Qafqasyayê⁹ de navdêr wextê pirjimar têne kişandin jî marûzê senifandineke cuda dibin. Her wekî li jorê jî behsa wê hate kirin, navdêr ne tenê li gor zayenda xwe ya bîyolojîk lê li gor hin krîterên wek, însan-neînsan, jîndar-nejîndar, ... hwd. jî dikarin marûzê senifandinan bibin. Di vê devoka behskirî de wextê navdêr di nav avanîya îzafeyê de bi awayeke pirjimar têne kêşandin, li gor însanbûn û neînsanbûnê paşgirên cuda digirin. Navdêren însanan û endamên laşê însanan pagira {-êن} distînin û navdêren neînsanan jî paşgira {-êد}ê distînin.

Berîya mînakêni vê bêne dayîn, divê behsa paşgirên pirjimarîyê yên Farisî bê kirin ku hema bêje wek hev e li gel senifandina li paragrafa jorîn de behsa wê hatiye kirin. Wextê navdêr di Farisî de bi awayekî pirjimar têne kişandin, paşgirên {-ha} û {-an}ê distînin. Paşgira {-ha} yê dibe ku li pey hemû navdêran bê bikaranîn. Lê paşgira {-an}ê li pey navdêrenê însanan wek “doxter-an” (keç. Pirjimar), “nivîsendeg-an” (nivîskar. Pirjimar); pey navdêren heywanên mezin wek “esp-an” (hesp. Pirjimar); pey endamên laşê însanan wek “leb-an” (lêv.

⁹ Di vê besê de wê ji bo vê devokê ji pirtûka Emerîkê Serdar ya bi navê “Êdî Dereng Bû” mînak bêne dayîn.

Pirjimar), “çeşm-an” (çav. Pirjimar) û pey hin navdêrên din yên edetî wek “soxen-an” (gotin. Pirjimar), “axtar-an” “setereg-an” (strêrk. Pirjimar) tê bikaranîn (Perry, 2007: 980).

Cudahîya paşgirêñ pirjimar yên di Farîsî de, nîşan dide ku di zimanêñ Îranî de senifandineke din ya li ser însanbûn û neînsanbûnê hatîye avakirin heye. Mînakêñ vê senifandinê di Kurmancî de jî heye ku mînakêñ ji Pirtûka Emerîkê Serdar ya bi navê “Êdî Dereng Bû” bi vî awayî ne;

Mînakêñ paşgira {-êñ}ê ku pey navdêrên însanan, endamêñ laşê însanan tê bikaranîn:

çavêñ te (r. 147), *çogêñ* xwe û *lingêñ* xwe (r. 193), *lingêñ* min (r. 211), *neferêñ* malê (r. 154), çend *lawikêñ* me (r. 155), *birayêñ* hev (r. 156), *zarêñ wî* (r. 159), *nasêñ wî yên* nezîk (r. 160), bi *merivêñ* kesîb re (r. 160), ew her sê *cîranêñ* me (r. 161), rehmet li *çûyîyêñ* we be (r. 188), *gundîyêñ* me (r. 191), *zarêñ* xwe (r. 193), çi qas *merivêñ* şeher ï zane (r. 195), *xapxapokêñ* wisa (refereyê însanêñ xerîb dike) (r. 195), ji *zarêñ* xwe (r. 206), çend *kulfetêñ* cîran (r. 209), *pêşiyêñ* min (r. 213).

Her wekî ji van mînakân jî tê dîtin, navdêrên însanan û navdêrên endamêñ laşê însanan di nav avanîya ïzafeyê de bi awayekî pirjimar hatine kîşandin û paşgira {-êñ}ê standine.

1. Mînakêñ paşgira {-êd}ê ya ji bo navdêrên neînsanan tê bikaranîn.

239

şîrêñ xwe (kendi şiirleri) (r. 147), *destlihevxitinêñ* haziran (r. 148), di *salêd* 30î de, pakêteke *şîrêñ* Etar ï teze (r. 150), *qanûnêñ* nivîsarî (r. 152), *poemêñ* Etarê Şero yî tezenivîsî (r. 155), *efîrandinêñ* wî (r. 155), *fîkrêñ* cure bi cure (r. 155), ev *bîranînêñ* biçûk (r. 157), *mecalêñ* vekirina wan (r. 159), tu gillî û *gotinêñ* mayîn (r. 164), *tekerêñ* wan, *tekerêñ* pêşîn (r. 166), *îzbatîyêñ* konkrêt (r. 175), *qewimandinêñ* bûyî (r. 182), qise û *mijûlîyêñ* xweş (r. 182), *salêd* axirîyê, *rojêd* zarotiya min (r. 207), di nava *bîranînêñ* min de (r. 209).

Her wekî ji mînakân jorîn jî tê dîtin navdêrên neînsanan paşgira {-êd}ê ve di nav avanîya ïzafeyê de bi awayekî pirjimar hatine kîşandin.

Her çiqas ev senifandina me behskirî hebe jî di hin cihan de ev krîter hatiye binpêkirin wek; di nava *kaxezêñ* min ï nivîsar de (r. 153), te ci anîye serê *şîrêñ* min (r. 149), çend *gîlîyêñ* tûj (r. 156), çiqas *hereketêñ* min (r. 156), çend dest *kincêñ* zaran ï teze (r. 163), çend *melumaniyêñ* di der heqa kuşî û *tekerêñ* avtomaşînê de (r. 159), vê gavê *pirsêñ* min tune ne (r. 162), li ser van *xeberêñ* xwe yî axirîyî (r. 166), Van *gîlîyêñ* han (r. 182), şevêñ payîzan û zivistanan ï dirêj (r. 182), *dewetêñ* gundê me (r. 211).

Bêjeyêñ jorîn her çiqas neîsan in û divê bi paşgira {-êd}ê ve bibine pirjimar jî, ew bi paşgira {-êñ}ê ve bûne pirjimar. Ji bo van îstîsnayan em dikarin vê bêjin;

di serî de, her wekî li jorê jî hate dîtin bêjeya Farisî ya (soxen-an) (gotin. Pirjimar) di nav gruba navdêren însanan de cih gitibû. Wextê em li van îstîsnayêñ jorê dînihêrin em dibînin ku piranîya van bêjeyan bi gotinê ve eleqedar in; me'lumanî, pirs, xeber, gîlî. Dîsa, her wekî li jor hatîye behskirin, hin krîterên dîyarkirina zayenda navdêran dibe ku bibe sebep grubêñ zayendan berfireh bin an jî teng bin. Loma jî ev îstîsna dikarin werin tolerekirin.

Çawa ji gruba {-ed}ê hin navdêr derbasî nav gruba {-an}ê bûne, her wekî wê rewşa dijber jî pêk hatiye. Mesela, “di nav civateke sêksîya *nivîskarêd* Kurdan de (r. 155), ez ew qasî ji *zarêd* xwe hez dikim (r. 206).” Ev îstîsna jî her çiqas zêde nebin jî dîsa bi firehbûn û tengbûna senifa zayendê ve dikare were terîfkinin.

Encam

Sîstema dîyarkirina zayenda navdêran di hin zimanan de gelek zehmet e lê di hinekêñ din de nîsbeten kêmîtir kompleks e. Kurdîya Kurmancî ji wan zimanêñ xwedîyê zayenda gramatîk e. Di vê xebatê de li ser sîstema dîyarkirina zayenda navdêran hatîye sekinîn û hatîye îddîa kirin ku bi vê sîstemê ve zayenda hemû navdêren Kurmancî bi awayeke mantiqî dikarin bêne dîyarkirin. Yanê bêjeya “mase” çima mî ye û bêjeya “ling” çima nîr e, bi vê sîtemê bersiva van pirsan hatiye dayîn. Dîsa di vê xebatê de li ser zayenda navdêren bi awayekî pirjimar kêşandî hatîye sekinîn û di devokeke Kurmancî ya Qafqasyayê de senifandineke li ser însanbûn û neînsanbûnê avabûyî hatîye tespitkirin.

240

Her çiqas hin xebat li ser sîstema dîyarkirina zayenda navdêran di Kurmancî de hatibin kirin jî hin ji wan ne sîstematîk in û hin ji wan jî tenê li ser sîstema zayenda navdêren jîndaran sekinîne. Bi taybetî sîstema zayenda navdêren nejîndar ji hêla gelek nivîskaran ve wek mijareke tevlihev hatiye dîtin. Di vê xebatê de, bi rîberîya xebata Corbett (1991) ya bi navê “Gender” ve krîterên ji bo sîstêmê dîyarkirina zayenda navdêran yên zimanê dunyayê yên xwedîzayend ji bo Kurmancî jî hatîye tatbîqkirin. Di encamê de sîstemeke bi rêk û pêk hatîye destxistin ku ev sîstêm armaca vê xebatê bû.

Ev sîtema hatî behskirin dibe ku ji hin aliyêñ xwe ve kêm be an jî hin xeletî di nav de hebin. Bi taybetî senifandina navdêran bi wayeke pirjimar kêşandî mijareke nû ye ku li lîteratura xebatêñ Kurdolojîyê zêde bûye. Loma jî pêdivî her cure xebatan heye ku li ser vê mijarê ve eleqedar ku kemasîyêñ vê xebatê nîşan didin an jî tiştîn nû li vê mijarê zêde dîkin. Dîsa, hemû bêjeyêñ zimanê Kurdî yek û yek nehatine analîzkirin lê sîstêm pêşî hatiye dayîn û paşê ziman di nav wê sîstêmê de hatiye bicîhkirin. Dibe ku ev wek problemeke metodolojîk were dîtin lê bi me ev sîstema han eger bi awayeke rêk û pêk were fêmkirin û were tetbîqkirin bo navdêren Kurmancî, wê were dîtin ku ji bo dîyarkirina zayenda navdêran sîstemeke gelek bibandor e. Wek dawî dikare were gotin ku divê konsepta dunyayî ya axêverên Kurdîya Kurmancî were zanîn. Xebateke kûrtir ya ku bêjeyan hemû analîz dike wê hem fêmkirina konsepta dunyayî ya

Kurdiya Kurmancî derxe meydanê hem jî wê hêza vê sîstema hatî pêşxistin nîşan bide.

Çavkanî

- Adak, A. û yên din. (2016). Fêrkera Kurdî (Asta Destpêkê). Mardin: Mardin Artuklu Üniversitesi Yayınları.
- Akin, S. (2005). Têkçûna Zayendê di Zaravayê Kurmancî de. Dinav Gotarê Konferansa li ser Zimanê Kurdî. İstanbul: Weşanên Înstituya Kurdî ya Stenbolê.
- Bedir Han, C. û Lescot, R. (2004). Kürtçe Gramer. (Paris Kürt Enstitüsü Gözetiminde Türkçeye Çevrilmiştir.) İstanbul: Avesta Yayınları.
- Bingöl, İ. (2019). Zazaca Ders Notları 1. (Yanyınlannamamış Ders Notları).
- Braun, F. & Haig, G. (2019). When are German 'Girls' Feminine? How the Semantics of Age Influences the Grammar of Gender Agreement. Bieswanger, Markus, Motschenbacher, Heiko & S. Mühlleisen (Ed.). Di nav Language in its socio-cultural context: New explorations in global, medial and gendered uses. (1-12). Tübingen: Narr.
- Corbett, G. (1991). Gender. Cambridge: Cambridge University Press.
- Ekici, D. (2007). Kurmanji Kurdish Reader. Hyattsville (USA): Dunwoody Press.
- Gruba Xebate ya Vateyî. (2013). Ferheng/Sözlük (Türkçe-Kırmancca / Kırmanckî-Tirkî). İstanbul: Weşanxaneyê Vateyî.
- Haig, G. (2000). The Gender System in the Kurdish Language: Structural and Sociolinguistic Aspects. Musweddeyeke ji komxebata Kurdish Gender Studies ya li Katzowê û ji xebata di navbera dîrokê 23-25.09.2000 hatî kîrin. Ev gotar bi Almanî; Haig, G. (2004). Das Genussystem in der kurdischen Sprache: strukturelle und soziolinguistische Aspekte. Hajo, S. Borck, C., Savelsberg, E. & D. Şukriye (Ed.). di nav Gender in Kurdistan und der Diaspora (33-58). Münster: Lit.
- Haig, G. & Öpentin, E. (2014a). Gender in Kurdish: Structural and Socio-cultural Dimensions. Hellinger, M. & H. Motschenbacher (Ed.). Di nav Gender Across Languages Sayı. IV, (247-276). John Benjamin.
- Haig, G. & Öpentin, E. (2014b). Regional Variation in Kurmanji: A Preliminary Classification of Dialects. Di nav The Journal of Kurdish Studies S. 2, No. 2, (143-176).
- Haig, G. & Öpentin, E. (2014c). Kurdish: a Critical Research Overview. Di nav The Journal of Kurdish Studies, j. 2, No. 2, r. (99-122).
- Hamdelsayed. û Atwell. (2016). Using Arabic Numbers (Singular, Dual, and Plurals) Patterns To Enhance Question Answering System Results. Di nav IMAN'2016 4th International Conference on Islamic Applications in Computer Science and Technologies (20-22 Dec

- 2016). Dîroka Gihîstinê: 05.04.2019, (http://eprints.whiterose.ac.uk/112954/1/a_dany16iman.pdf)
- Hoffmann, K. (2012). Avestan Language i-iii. Di nav Encyclopædia Iranica, III/1. (47-62). Dîroka Gihîstinê (03.04.2019), <http://www.iranicaonline.org/articles/avestan-language>
- Kerim, A. H. (2019). Di Zimanê Kurdî de Zayendê Bizavdar (Mobîl). Dîroka Gihîstinê: 11.03.2019, <http://dirokakurdistan.com/krd/wp-content/uploads/2018/11/Zayenda-mobil.pdf>
- Komxebata Kurmancîyê. (2016). Rêbera Rastnivîsînê. Dîyarbekir: Weqfa Mezopotamyâ.
- Kurd, K. (2011). Zayenda Mê û Nêr (Masculine and Feminine Genders in Kurdish Grammar). Berlin: Free University of Berlin Publishers.
- MacKenzie, D.N. (1954). Gender in Kurdish. Di nav Bulletin of the School of Oriental and African Studies 16/3 (528-541). London: University of London.
- Malmîsanij, M. (2015). Kurmancca ile Karşılaştırmalı Kirmancıca (Zazaca) Dilbilgisi. Vate Yayınevi: İstanbul.
- McConnell-Ginet, S. (2011). Gender and Its Relation to Sex: The myth of ‘Natural’ Gender. Corbett, G. G. & De Gruyter. (Ed.). Di nav The Expression of Gender. Dîroka Gihîstinê: 04.02.2019 <http://ebookcentral.proquest.com/lib/ubbamberg/detail.action?docID=1121623>.
- Perry, R. J. (2007). Persian Morphology. Alan S. Kaye (ed) di nav Morphologies of Asia and Africa, Eisenbrauns. Dîroka Gihîstinê: 20.03.2020. https://www.academia.edu/42846867/Persian_Morphology
- Sadinî, M.X. (2011). Feqîyê Teyran (Jîyan, Berhem û Helbestê Wî). İstanbul: Weşanên Nubîharê.
- Samûr, A. (2012). Kurdîya Kurmancî. Stenbol: Weşanên Nûbiharê.
- Serdar, E. (2015). Îdî Dereng Bû. Diyarbakır: Weşanên Lisê.
- Şakiro. Ferzende Beg. Dîroka Gihîstinê: 11.10.2018, <https://www.youtube.com/watch?v=lIdTfTPr3Uw>
- Şakiro. Sînem. Dîroka Gihîstinê: 01.09.2018 <https://www.youtube.com/watch?reload=9&v=lWgyAPA6dJU>
- Tan, S. (2015). Rêzimana Kurmancî. (3.Baskı). Stenbol: Weşanên Enstîtuya Kurdî ya Stenbolê.
- Taş, Ç. (2013). Waneyên Rêziman û Rastnivîsa Kurmancî. İstanbul: Weşanên Dîwanê.
- Tîrêj, S. (2014). Dîwan (Xelat – Zozan – Cûdî). Remezan Alan (Redeksîyon). İstanbul: Peywend.
- Yıldız A. û Taşkin H. (2018) Şakiro (Kewê Ribat). İstanbul: Weşanên Nûbiharê.